

الصرف الصحي يغرق شوارع المنشية والأهالي: "حسبي الله ونعم الوكيل"



السبت 13 يونيو 2015 12:06 م

اشتكى أهالي حي المنشية، بمركز المحمودية، التابع لمحافظة البحيرة، من غرق معظم الشوارع في مياه الصرف الصحي، وسط تخوفهم من انتشار الأمراض المعدية، خاصة بين الأطفال؛ وذلك بسبب ركود مياه الصرف في معظم الشوارع

ويؤكد الأهالي تجاهل المسؤولين التابعين لحكومة الانقلاب لهم ، رغم تقديم عشرات الشكاوى، مشيرين إلى أن الأمر يزداد سوءاً، فضلاً عن الأمراض والأوبئة التي تصيبهم

من جانبه، قال خالد رمضان، مزارع: "أنا راجل على باب الله، يقوم الصبح شايل الفاس ورايح الغيط، ومعايا لا مؤاخذه البهايم، ولو بهيمة غرست ممكن تقع تتكسر، وأنا يتخرب بيتي، وبعتنا شكاوى، الناس المتعلمين اللي هنا كتبوها على أساس إن المجلس ييجي يشفط المياه، ولمينا من البيوت فلوس عشان نشترى ردم نحطه في الشارع، بس لحد دلوقتي مفيش حد جه يعمل حاجة وزهقنا".

وقالت الحاجة سميحة عز الدين، صاحبة كشك: "الشوارع شكلها وحش، والله كان جاي عريس لبنتي ياسمين الأسبوع اللي فات وبقينا في نص هدومنا إن أهله ييجوا يشوفوا الشارع كده، وحسبي الله ونعم الوكيل في الحكومة اللي ظلمتنا".